

平定兩金川方畧

三

五

平定兩金川方略

八
五

平定兩金川方略卷之九十五

四月甲辰明亮富德奏言。竊河南北各處前敵
以及駱駝溝當噶爾拉兩路。均爲雪阻。難以輕
進。臣等悉心斟酌。查正地一路。若能乘虛直搗
中堅。則已潰其腹心。而四面守禦賊人。必成瓦
解之勢。該處道路情形。由革布什咱之甲魯。至
黃草坪。卽與駱駝溝來路相通。向北繞行。則與

庚額特山勢相連。其下卽爲馬爾邦一帶寨落。
向前直進。卽爲正地。若併攻獨松得臨河口。則
噶拉依在其東。勒烏圍在其西。被我兵從中攔
截。投之所向。無不皆宜。現據土都司丹津扎布
稟稱。情願再行搜集土兵一千。爲此路協剿之
計。臣查自布拉克底巴旺以至甲魯。由甲魯一
路進取。兵動糧隨。應卽牛爲核算。而計大營所

存兵數此時雖暫爲抽撤而各前敵防守不可
不嚴且正地一路得手卽當並力夾攻亦難多
爲派去其中可以抽調若干如有不足擬在德
爾格忒等部落分調土兵應用加以漢兵數千
合爲一軍其應調土兵亦須量其遠近總以發
兵之日各土兵得能接續前來於笨人機宜更
爲有濟至將來調用本地各土司番衆亦止令

揚言仍在當噶爾拉進攻。庶使賊人四處察聽。亦無從測其端倪。

同日。富勒渾奏言。伏查大板昭一帶。實爲西北兩軍後路。而梭洛柏古薩拉等處。均關緊要。前經將軍阿桂派撥官兵。分布防守。梭洛柏古安兵四百名。黃草坪安兵三百名。大板昭當噶爾松溝口。安兵二百五十名。大板昭護守糧臺。安

兵二百名。薩拉安兵四百五十名。自本年正月
安設以來。迄今三月。各卡隘防守嚴緊。尚屬安
靜。茲奉

諭旨訓誡。

臣

復嚴飭各處防駐將弁等。各就駐防處

所。每日各帶官兵嚴密搜查。俾賊匪無從藏匿。

臣

仍往來梭洛柏古一帶督率稽查搜勦。以免

疎虞。且賊情狡詐。目下大兵進搗賊巢。或力竭

勢窮四散。逃逸於深林僻徑之中。零星竄出。滋擾。更不可不預爲防範。臣惟有嚴督將弁。晝則繞山搜捕。夜則分撥巡防。使賊匪既不能滋擾。並可借此殄絕根株。

同日桂林奏言。前據臬司李世傑稟。有蘆山縣背夫。行至附近僧格宗之曰古嚕溝地方。賊匪突出。劫去軍米六石五斗。臣正在籌辦間。復據

該臬司面稟。據僧格宗糧員稟稱。由默資溝護
送軍米一百十四斛。行至將近日古嚕溝會哨
之處。坡上擁下來壩。搶去米九十七斛等語。查
科多至僧格宗。相距雖僅三十餘里。其間深菁
僻途。賊匪易於出沒。該處糧運日增紛擾。莫若
將科多與僧格宗分作兩處運供。不必由默資
溝等處行走。賊人自無從覬覦。其僧格宗等處

駐守官兵所需糧石。改由南路章谷按月運交。
附近僧格宗之日古嚕溝。令其就近赴僧格宗
支領。其南路撥駐科多默資溝兩處官兵。每月
僅需米五十餘石。爲數無幾。卽就近歸併美諾
支領。均奏入。

上諭軍機大臣曰。明亮等奏擬由正地進攻所籌亦
是。通計各路情形。惟阿桂一路。可望易於得手。業

已諭令阿桂。如得遜克爾宗。或徑抵勒烏圍。卽應將新派之滇黔兵五千。全行調往應用。設尚未能卽進。又不值徒爲株守之計。自應酌撥二三千。逕往南路令明亮率領逕赴正地。攻其無備。明亮等仍應遵照前旨。密咨阿桂妥商而行。但明亮移兵另攻正地之時。應令富德留駐河北一帶。仍照前攻打使賊人不能窺見端倪。預作準備。方爲妥善。

又據富勒渾奏大板昭薩拉梭洛柏古等處俱派官兵防守。是富勒渾於軍營後路防範頗爲留心。今官軍日漸攻進。更宜倍加嚴密。實力周防。斷不可稍涉大意。又桂林奏科多至僧格宗。相距雖僅三十餘里。其間深箐僻途。賊匪易於出沒。莫若將僧格宗所需糧石。改由南路章谷運交。其餘附近僧格宗等處者。卽就近在僧格宗及歸併美諾等

處支領。使米石不由僻處經行。可杜賊人窺伺等語。所見甚與朕前諭相合。自應如此辦理。至所奏由默資溝運送兵米。行至將近日古嚕溝。被夾壩搶去米九十餘斛等語。現據桂林奏此後糧運不再經行默資溝等處。自可無後患。但此次夾壩搶去米石較多。尤不可不上緊嚴緝。昨已賞給汪騰龍叅將銜。仍令在僧格宗辦事。并派桂林往來照

管。且此時現有熬成在彼。正當及早搜擒賊匪。毋任漏網。

同日。富勒渾。郝碩奏言。前准署督臣文綬酌定

夫數。自汶川以至薩拉。每站安夫六百名。大板

昭至谷噶。每站安夫八百名。又西路自草坡至

瑪爾當。每站安夫一百名。並聲明其中有應增

應減之處。令臣等在外核定。臣等通盤核計。查

薩拉大板昭黃草坪梭洛柏古谷噶拉穆登古
共計七站。自梭洛柏古以外。路徑偏窄。山勢陡
險。多有不能按站安臺之處。且在金川境內。必
須審度情形。附近各卡安設。方爲妥協。雖經定
爲一站。而計其道里。實有站半。應仍以站半報
銷。通融辦理。統計大營西北兩路。兵數及夫役
口糧。每日約需米四百餘石。自汶川至薩拉各

站米石。本係長短兼行。除楸砥一站。供運西北
兩路軍糧。該站應安夫八百名外。其餘各站。只
須安夫六百名足敷應用。惟商米俱係長運大
板昭交收。而大板昭以前各站。均仗滾運之米。
計每日卽以四百石爲率。已需用夫八百名。加
以軍火軍裝雜差等項。每站應安夫一千名。庶
足資輓運。如有不敷。再行就近僱用。再自薩拉

至登古各站。在在與賊境相通。應於每站原定額夫之內。各揀選精壯民夫一百名。演習器械。護守糧臺。並協同兵丁支更巡邏。益徵嚴密。其瑪爾當至明郭宗各站。所存軍糧軍火。趕運完竣。並經裁撤。至自明郭宗至瑪爾當八站內。布朗郭宗一站。爲提臣常青駐扎之處。尚須分送各處防兵口糧。應酌留站官一員。長夫二百名。